

《中國地方藝文薈萃》編委會 編

學苑出版社

中國地方藝文薈萃

華東卷·第十一輯 樂

華東卷·第十一輯

柒

中國地方藝文薈萃

《中國地方藝文薈萃》編委會 編

常州师范学院内部使用

國朝金陵詩徵四十八卷（五）

貴州师范学院内部使用

國朝金陵詩徵四十八卷（五）

（清）朱緒曾編

據清光緒十三年（一八八七）刻本影印

國朝金陵詩徵卷三十一

上元朱緒曾編

鄧廷楨

廷楨字維周一字嶰筠江甯人元昭太史之裔嘉慶
庚申舉人辛酉進士由編修歷仕至兩廣閩浙總督
未幾遣戍伊犁復 召還任陝西巡撫署陝甘總督

卒於官著有說文雙聲疊韻譜青嶰堂文集

嶰筠制軍在粵

與林文忠公同秉節鉞集中酬唱多撫時感事之作
有別林文忠公一闕云百五芳辰過也未但笳吹催千
騎看珠澥盈盈分兩地儂去也緣何意君住也緣何
意召緩徵和醫並至眼中病肩上手怕愁重和春擔
不起君住也心應碎儂去也心應碎此作軫
懷時局寄托遙深尤令人讀之怛怛在抱也

歎壺

井華分潤上花枝手把蓮房宛倒垂
臍腹飲河容一勺馬鬣

行雨散千絲非關潑墨雲烟化且看跳珠咳唾隨輸與龍公
恣歆欲九州灑遍似無爲

書套

扁舟江上載書回黃絹青緜費翦裁三疊包藏奇字在四圍
收拾古人來石芸薰處香成國帶草生時錦作堆留與兒孫
誇插架卻愁知闔不知開

暖耳

翩翩馬止怯生風爲護輕寒轉蔽聰聒處何妨從混沌熱時
偶爾藉蒙戎不愁吹雪雙尖沒已失轟雷一竅通有客生平
白于面故應柱後珥貂豐

武士詩

讀罷奇書掩豹韜唾壺擊缺興逾豪冥按險語摩長劍急寫

蠻箋祭寶刀六郡風雲奔健擊三河關塞壓柔毫將軍競病
誰能敵自製新題署和曹

塗改

岨岨常虞字未安幾回重寫又重看賦傳鸚母仍加點銘易
雞人更染翰換骨原非金鑄句當心豈惜墨成團生民清廟
多奇語大筆淋漓試擬韓

雨衣

著製從容合杖戈胸中左癖未應譌青疑染汁剛分柳白欲
跳珠類集荷不礙當春生物好可須庇夏被人多遂初他日
歸江介更買魚舫伴綠蓑

菱角

秋港花明鏡啟匳了又紫玉倚蒼蒹觚稜略似荷心卷圓轉

難偕芡實拈蝸殼鬪餘憐對影鹿茸養就見雙尖西風采罷
聞遙唱更綰鴉鬟下繡簾

醉翁椅

滁陽太守此婆娑坐固宜人臥若何詩思頽唐塵境少酒懷
偃蹇睡鄉多綺窗小憩拋扶老紗帽微欹促養和徑欲眠琴
彈古調試填雅操學東坡

書譜

臨池初祖溯斯冰北派南宗信可憑大令脫胎從內史王孫
衍脈嗣思陵斷斷雞鶩爭家法奕奕龍蛇有代興欲起過庭
譚往牒敢云百世似風燈

蝨腦

低首頻年託敝襦身猶渺小況頭顱微生瑣瑣何堪盪大地

茫茫未許塗捨去正宜隨唾棄滿時終竟類腸枯雄談睥睨
捫難盡一例冬烘笑豎儒

眉公餽

花樣新翻到粉資於陵姓字至今垂竭來三泖東奈路忽憶
重陽小宋詩宰相堂餐朝局換山人食譜市兒知秋燈妙墨
供幽賞寒具何妨設略遲

鬚

三尺飄脣復挂胸漫教衰白變葱龍丈夫已懾樓頭氣側室
猶憐鏡裏容擾擾一宵無處著鬢鬢千騎舊時逢阜囊籠護
殊多事莫怪雲閒陸士龍

晉甘敬侯墓碑

武昌逆燄逼城狐露檄威能警萬夫愧煞司徒惟待罪空令

江左望夷吾

秣陵山向墓門青更立新碑證舊盟況此春秋供韭稻不隨
大樹歎飄零

登鎮北臺

三邊烽火無驚日我輩雍容上此臺震耳河聲穿峽走盪胸
雲氣壓城來平蕪壁壘軍容在小隊弓刀獵陣開 盛世未
應忘設險登壇飛將要儲才

夜意擬玉溪生

銅壺珠箭漏迢迢偷倚新聲和洞簫大婦流黃中婦瑟潘郎
絲鬢沈郎腰迴文細織三千字素魄高懸廿四橋剪燭西窗
情話久海紅深護篆烟銷

羊燈低傍畫屏安羅幕風生半臂寒翡翠釵茸銜紫鳳芙蓉

鏡匣舞青鸞酒能作病猶微醉花解忘憂要共看推起紗籠
望牛斗紅牆隱約影闌干

西園消夏

未得辭塵網多慙費俸錢青琴新月下白袷晚風前烹茗常
支竈栽花當種田餘糧堪卒歲更擬飼胎仙
漫羨門如市何妨甌有塵心清從不熱性定漸能貧讀書無
寒具敲棋稱幅巾忘機魚鳥熟故故解親人

唐大沛

大沛字醴泉上元人嘉慶辛酉拔貢生官蒙城教諭
秋海棠用王漁洋秋柳韻

牆陰一角最銷魂寂似宮花閉院門調粉淡描新畫稿勻脂
微抹舊啼痕慣含冷露依莎砌羞作垂絲映柳邨料得詩人

重清品石家金屋不須論

漸覺庭前薄有霜柔姿偏爾續蓮塘檀心默記前生石繡線
疑堆舊日箱名字何嫌呼婢女色香豈屑媚君王漫將西府
推嘉種請署南牆號錦坊

宛似仙娥曳翠衣花因淚灑是耶非三生有恨憑誰釋八月
留春信亦稀醉態雅宜清露潤淡妝遙映落霞飛未須金谷
燒紅燭風格由來與俗違

大吏風流劇可憐廣文妙墨走雲烟補成杜甫珠遺篋摹仿
徐熙骨似綿好佐黃花觴晚節相期白髮話髫年皖江睽隔
將千里悵望伊人秋水邊

同年鄧懈筠中丞以此題試皖江
士子外翰侯青甫繪圖惜皆未見

李光昱

光昱上元人嘉慶庚申舉人

贈張仙槎

高凌泰岱俯齊州我亦征車問置郵壯志久醒塵海夢倦飛
同戀故園秋雲烟往事歸詩史花月濃春拜醉侯此日稱觴
宜卜夜華堂不用數更籌

張培

培字香巖上元人嘉慶辛酉拔貢生官蒙城知縣

返寶石莊

重返西湖便似家一身猶帶赤城霞案頭堆滿新來札牆角
開殘去後花小犬銜衣將客認奚僮解襪向人誇挑燈急寫
天台記再寫雲門與若耶

通濟寺

半壁殘秋月藤蘿繞寺斜颺颺驚客至踏落數枝花

國朝三十一
三
晚渡瓜步

篙工舫工齊指揮一舟裹住波四圍怪石出水怒欲攫寒雲
帖樹僵不飛歸心更比鴻雁急落日直使金焦微多少江豚
望風拜向人俯仰如嗥饑

臺城

荷荷呼不止老公胡爲爾三度捨身人因果乃如是聞說講
經時雨花三十里居此圍城中慈悲無粒米緣何平等心詔
生不救死問佛佛不應隊隊饑鴻起

夏泉

泉字玉亭江甯人嘉慶辛酉舉人官知縣

夏日

賦性幽閒得自怡山居夏日水淪漪烹茶留客消清晝石磴

桐陰對著棋

胡昭

昭字孟宣一字雲舫上元人嘉慶辛酉拔貢生

留別小西山房

學賦蓮華日從遊此讀書下將徐穉榻棲老鄭公廬來往看
巢燕流連檢蠹魚娜環眞福地何忍便離居
設我臯比坐重經十四年簷聲寒舊雨石脈引新泉退筆眞
成塚傭書便是田歸林非擇木開徑望依然

鄭光偉

光偉字霞峰一字霽園江甯人嘉慶戊辰舉人

婁東書院釋菜詩

同邑張丹書字敬軒嘉慶庚午舉人同詠是詩

婁水名邦斯文茲在山隱天臍海通地肺迤邐埤身縈紆石

埭靈秀鍾毓千俊百乂古之鄉校聿修 昭代旁建書院亦

將百載緜蒞爲容經營草昧秩祀旣正爰立厥配

書院建於乾隆壬申

中祀宋五子以鄉賢陳確菴陸桴亭江愚菴盛寒溪四先生配紹承正學諸家息喙幾社復

社義無分北習勤過折惡臥掌焯蹒蹒小子狂簡可裁誰設

雞盟我負子戴誰擁皋比我黻子佩祖桓莘莘冠蓋成隊儒

林文苑橫經秉耒何期大厦日卽蕪穢庭滿蓬蒿屋飄蘆簾

蝌蚪黍蝕鴛央瓦碎壁兮何聖木兮何栢肄業及之慄然生

慨以瓜鎮心若芒在背匪棘其欲恐柴其內監工日號于于

幾輩梁卯煇黃築牆版栽樸斲丹艘素功畫績刮楹達鄉雨

春風磴坐堂伏檻珠槃玉敦懿我州伯施之不悖鬱鬱泮林

巖巖嶽岱瓘氣烟煜蕭光靉黻飲水思源澤留遺愛逞歲霏

雨螿孔隄潰田廬漂沒孰云招徠濬渠穿瀆星霜能耐灑沈